

## Paerewa Paetae

<b>Aronga</b>	Pūtaiao 1.2				
<b>Ingoa</b>	Te whakahāngai i te mātauranga pūtaiao ki tētahi kaupapa taiao e ora ai a Papatūānuku rāua ko Ranginui mō anamata				
<b>Kaupae</b>	1	<b>Whiwhinga</b>	5	<b>Aromatawai</b>	Ā-roto
<b>Marau akoranga</b>	Te Marautanga o Aotearoa				
<b>Kokonga akoranga</b>	Pūtaiao				
<b>Mana rēhita</b>	Te rā i mana ai				
<b>Te rā e arotakengia ai</b>	Te rā i puta ai				

### Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Tāhuhu o te Mātauranga i te tau 2017.

### Whāinga Paetae

*Ngā Tautake Pūtaiao me ngā Kōrero o Mua*

- 1. Ka ako i ngā huatau matua me ngā kōrero o mua o te pūtaiao, me ngā wāhi i roto i ngā pou pūtaiao. Ka ako haere e pā ana ki ngā huringa tautake o te pūtaiao e tupu haere ana.*
- 2. Ka mārama haere ki ngā huatau o te tautake o te mātauranga, kia kite ai i ngā uara taketake o te pūtaiao, he rerekē i ērā o te tangata whenua. Ka mārama haere ki ngā tikanga whakahaere o te mātauranga pūtaiao, me te ako i ngā kōrero mō ētahi tauira whakapai, whakakino rānei. Ka tirohia ētahi take porihanga o ēnei rā e pā ana ki ngā matatika pūtaiao, me pēhea hoki e uruparehia ai.*

E hono ana ki te Papa Whakaako mō te Pūtaiao kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b></p> <p>Te whakahāngai i te mātauranga pūtaiao ki tētahi kaupapa taiao e ora ai a Papatūānuku rāua ko Ranginui mō anamata.</p>	<p>Hei tohu i te paetae:</p> <ul style="list-style-type: none"> <li>• Ka torotoro i te mātauranga pūtaiao o onamata, hei oranga mō inamata me anamata.</li> </ul>
<p><b>Kaiaka</b></p> <p>He kaiaka te whakahāngai i te mātauranga pūtaiao ki tētahi kaupapa taiao e ora ai a Papatūānuku rāua ko Ranginui mō anamata.</p>	<p>Hei tohu i te kaiaka:</p> <ul style="list-style-type: none"> <li>• Ka whakamārama i te mātauranga pūtaiao o onamata, hei oranga mō inamata me anamata.</li> </ul>
<p><b>Kairangi</b></p> <p>He kairangi te whakahāngai i te mātauranga pūtaiao ki tētahi kaupapa taiao e ora ai a Papatūānuku rāua ko Ranginui mō anamata.</p>	<p>Hei tohu i te kairangi:</p> <ul style="list-style-type: none"> <li>• Ka parahau i te mātauranga pūtaiao o onamata, hei oranga mō inamata me anamata.</li> </ul>

**Kōrero Āpiti**

- 1 E whai ake nei ngā whakamārama mō ngā kupu me ngā kīanga whaitake matua o te paerewa nei:

<p>o onamata, hei oranga mō inamata me anamata</p>	<p>E kōrero ana mō ngā rā o mua, o nāianei, me ngā rā e heke mai nei.</p>
--	---

torotoro	He whai mōhiotanga e pā ana ki tētahi kaupapa taiao e ora ai a Papatūānuku rāua ko Ranginui mō anamata.
whakamārama	He rapu i ngā hononga i waenga i a Papatūānuku rāua ko Ranginui me tētahi kaupapa taiao mō anamata.
parahau	He whai taunakitanga e pā ana ki ngā mōhiotanga, ngā māramatanga me ngā hononga i waenga i a Papatūānuku rāua ko Ranginui me tētahi kaupapa taiao mō anamata.
kaupapa taiao	He take tiaki taiao ka taea e ngā ākonga te kōkiri. Hei tauira: <ul style="list-style-type: none"> <li>• He kaupapa whāomoomo - te whakapūmau, te tiaki i ngā āhuatanga katoa o te taiao ahakoa ngā panonitanga kua pā ki te ao tūroa.</li> <li>• He kaupapa whakarauora - te whakarauora i tētahi taiao kia hoki anō ki tōna āhua o mua.</li> <li>• He kaupapa whakawhanake - whakawhanake i tētahi taiao kia tutuki ai ngā manako mō anamata.</li> <li>• Ngā mahi a ngā tūpuna - te whakamahi i ngā kōrero tuku iho hei painga mō te ao tūroa.</li> </ul>
mātauranga pūtaiao	He whai māramatanga ki te ao tūroa mā roto i te mātauranga Māori o onamata, o inamata anō hoki. Kei te mātauranga Māori ngā kōrero tuku iho me ngā kōrero whakapapa hei tūāpapa ki tā tātou tirohanga ki te ao tūroa.

## Kuputaka

whāomoomo

conservation

## Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233